

KRAJISNIKOV SVJEDOK OPRAVDAVA PROTJERIVANJA

Author: IWPR
ICTY

(TU Br 436, 20-jan-06)

Bivsi gradonačelnik Bosanskog Novog, Radomir Pasic, potvrdio je da su u razdoblju od vibnja/maja do srpnja/jula 1992. muslimanska sela u dolini rijeke Japre napadale „paravojne snage koje nije bilo moguće kontrolirati“.

Srpske su snage ubijale civile, spaljivale kuće i pljackale imovinu. Oko 750 Muslimana provelo je – navodno, „zarad vlastite sigurnosti“ – nekoliko dana na stadionu u Bosanskom Novom.

„Nasa je namjera bila da tim ljudima pomognemo da odu na miran, dostojanstven i civiliziran način“, rekao je Pasic.

Spomenuta „pomoc“ ocito je podrazumijevala i to da se Muslimani – kamionima za prijevoz stoke – prebace u Doboj, odnosno u onaj dio Bosne koji je bio pod muslimanskom kontrolom. Drugi konvoj za Muslimane s tog područja organizirao je UNHCR.

Iako je navodno obavljao i funkciju predsjednika lokalnog kriznog staba, Pasic tvrdi da se „ne sjeca“ je li prisustvovao okupljanju svih predsjednika koje je u Sanskom Mostu održano u junu 1992. A radi se o sastanku na kojem je ugovoreno da Muslimani i Hrvati budu iseljeni iz onih općina koje bosanski Srbi smatraju sastavnim dijelom srpske teritorije.

Krajisnika se u dvije točke optužnice tereti za genocid, u pet za zločine protiv čovječnosti, te u jednoj za kršenje zakona i običaja ratovanja. Navodno je tokom 1991. i 1992. sudjelovao u kampanji protjerivanja nesrpskog stanovništva u Bosni.

U optužnici koja je protiv njega podignuta spominje se i više desetina objekata koji su bili korisceni za mučenje, premlaćivanje, a često i ubijanje bosanskih Muslimana i Hrvata.

Svjedocenje okrivljenog zakazano je za 23. siječnja/januar, ali bi moglo biti odloženo, s obzirom da je obrana u međuvremenu objavila kako namjerava pozvati još neke svjedoke.

Predsjedavajući sudac Alfons Ori (Alphons Orie) upozorio je Krajisnikove advokate na to da se 28. travnja/aprila – do kada bi dokazni postupak obrane trebalo biti okončan – ubrzano približava, dodajući da Tribunal u te svrhe nije predvidio nikakvo dodatno vrijeme.

Focus: Medunarodni krivični sud za bivšu Jugoslaviju

Source URL: <https://iwpr.net/sr/global-voices/krajisnikov-svjedok-opravdava-protjerivanja>